

**KATITIKAN NG UNANG DI-PANGKARANIWANG PAGPUPULONG NG SRCDC MUTUAL
BENEFIT ASSOCIATION INC. NA GINANAP SA BULACAN CAPITOL GYMNASIUM,
NOONG IKA-28 NG DISYEMBRE, 2016 SA GANAP NA IKA-8:00 NG UMAGA**

Ang pangasiwaan sa pamamagitan ng Kalihim ng Lupon Tagapangalaga, Dir. Adelaida C. David, ay nagpadala ng paanyaya at pabatid sa lahat ng mga aktibong kasapi o Member In Good Standing (MIGS) ng SRCDC MBI tungkol sa gaganaping Unang Di-Pangkaraniwang Pagpupulong sa ika-28 ng Disyembre, 2016. Ang pulong ay sinimulan sa pamamagitan ng pagpápatala ng mga kasaping dumalo kasama ang proxy ng mga kasapi mula ika-8:00 hanggang ika-9:00 ng umaga. Matapos mabatid ang kasapatan at kaayusan ng mga nagsidalong kasapi, ang pulong ay pormal na sinimulan sa ganap na ika-9:00 ng umaga.

I. PAGBUBUKAS AT BATING PAGTANGGAP

Sinimulan ang pulong sa pamamagitan ng isang sama-samang panalangin sa pangunguna ni Gng. Marcelina M. Caluag, na sinundan ng pag-awit ng Lupang Hinirang na kinumpasan ni Bb. Teresita C. Cruz. Pagkatapos nito ay ipinahayag ng Tagapangulo ng Lupon Tagapangalaga, Dir. Crisanto P. Galvez ang kanyang malugod na pagbating pagtanggap at pasasalamat sa mga nagsidalo sa Unang Di-Pangkaraniwang Pagpupulong ng SRCDC MBI.

II. PAGTAWAG SA KAAYUSAN NG PULONG

Bilang Tagapangulo ng Lupon Tagapangalaga ng SRCDC MBI, pormal na binuksan ni Dir. Crisanto P. Galvez ang Unang Di-Pangkaraniwang Pulong sa ganap na ika-9:00 ng umaga. Ipinakilala niya sa buong kasapian ang kasalukuyang mga nakaupong Lupon Tagapangalaga at Tagapamahala ng SRCDC MBI. Ipinahayag din na may kasapatan ang panahon ng pagpapadala ng paanyaya sa lahat ng aktibong kasapi (MIGS) ng samahan. Batay sa isinumiting ulat ng Kalihim ng Lupon na si Gng. Adelaida C. David, ang kabuuang 1,200 aktibong kasapi (MIGS) ang napadalhan ng paanyaya at nakapagpatala ng 780 na dumalo kasama pati mga kinatawan (proxy) nito. Kaugnay ng mga nabanggit na bilang, idineklara na may korum at sapat ang bilang ng mga dumalo upang ipagpatuloy ang pagpupulong.

III. PAGPAPATIBAY NG MGA PANUKALA

Ipinabatid ng Tagapangulo ng Lupon ang mga kadahilanan kung bakit nagkaroon ng pag-Papatawag ng Di-Pangkaraniwang Pagpupulong.

1. Pag-amyenda ng Article of Incorporation at By-Laws

Ang mga paanyayang ipinamigay ay may kalakip na sipi ng Articles of Incorporation at By-Laws upang maaga itong mabasa at maunawan ng kasapian. Nagbigay din ng karagdagang pagpapaliwanag si Dir. Galvez ukol sa ilang mga Pangunahing pagbabago ng By-Laws upang maipagpatuloy ang pag-unlad, karagdagang benepisyo at iba pang kapakipakinabang na serbisyo para sa mga kasapi kasama na rito ang mga bagong papasuking negosyo.

2. Pagbili ng Lote

Ipinaliwanag din ni Dir. Galvez ang kahalagahan kung magkakaroon ng pagkakataon na makabili ng lote upang makatugon at magamit sa kapakinabangan ng samahan.

3. Usaping Legal sa pagitan ng SRCDC at SRCDC MBI

Malinaw na ipinaliwanag ng Tagapangulo ng Lupon ang mga kadahilanan kung bakit kailangang dumating sa punto na daanin sa legal na paraan ang usapin sa pagitan ng SRCDC at SRCDC MBI. Ang tungkol sa usapin ng Php6,000,000.00 at ang mga legal na proseso na dapat sinunod sa pagtatayo ng SRCDC MBI.

Matapos ang masusing pagpapaliwanag sa mga nabanggit na panukala, inihain ng Tagapangulo ng Lupon Tagapangalaga, Dir. Crisanto P. Galvez sa buong kasapian ang Pagpapatibay na sinang-ayunan ng lahat.

IPINASIYA, gaya ng dito'y ginagawang PAGPAPASIYA, na PAGTIBAYIN ang mga nabanggit na panukala.

PINAGTIBAY (GA Res. No. 2016-12-001)

IV. PAGLILINAW AT UPDATES

Nagbigay ng karagdagang paglilinaw si Gng. Maria Luilla T. Salazar, Operations Manager ng SRCDC MBI tungkol sa mga ilang pangunahing pagbabago. Ayon sa kanya, ang pagbabago ng pangalan ay upang maiwasan na ang kalituhan ng kasapi tungkol sa Damayan at Tulungan ng SRCDC. Kanya ding ipinabatid na sapagkat aprubado na ang Amended By-Laws kasama ang iba pang mga inihain, ang susunod na General Assembly ay gaganapin sa darating na Agosto 2017 at maaari na ding magpatupad ng pautang ang samahan sa mga kwalipikadong kasapi ngunit ito ay idadaan muna sa tamang proseso kagaya ng pagpapalisensya sa Securities and Exchange Commission (SEC) at iba pang regulatory body na nakakasakop sa ganitong klase ng negosyo. Ibinalita din ni OM Salazar na one stop-shop insurance na ngayon ang SRCDC MBI kaagapay ang isang mapagkakatiwalaang Non-Life Insurance Company.

V. MALAYANG TALAKAYAN

Mga naging katanungan ng kasapi at kasagutan ni OM Salazar:

1. Hanggang anong edad ang sakop ng BasicLife Insurance Program o BLIP at hanggang kailan ang pagbabayad nito?

Sagot: Ang sakop po ng insurance ng BLIP ay mula 18-65 taong gulang at extended ito hanggang 75 taong gulang. Ang may Equity Value ay mula 18-65 taong gulang at pagdating ng 66-75 taong gulang ay wala ng Equity Value. Ang pagbabayad ng taunang prima na Php600.00 ay magmula sa taon ng pagsapi sa samahan hanggang 75 taong gulang. Ang mga kasapi na may edad 70 taong gulang noong Enero 2016 ay hindi na kasapi sa bagong programa ng samahan.

2. Bakit hindi na kasama sa pagkaltas ang Tulungan MBI sa taunang prima na kinakaltas. Sa mga kasapi ng SRCDC?

Sagot: Ang patakarang panloob ng SRCDC ay hindi saklaw ng SRCDC MBI kaya kung napagpasyahan ng pamunuan ng SRCDC sa ngayon na hindi isama Tulungan MBI sa pagkaltas ay wala pong magagawa ang samahan kundi mangulekta na ng bukod. Kaya nakikiusap po ang inyong lingkod na maaari na po tayong magbayad ng personal sa ating bagong tanggapan ng samahan o tumawag sa ating tanggapan upang kayo ay makulektahan.


3. Maari na bang sumapi sa BLIP ang hindi kasapi sa SRCDC?

Sagot: Opo, lahat po ng organized group kagaya ng TODA, Tanod o anumang samahan ay maaari na pong magpaseguro sa SRCDC MBI.


VI. PANGHULING MENSAHE

Nagbigay ng panghuling mensahe si Dir. Alberto L. Tiongson. Kanyang ipinaliwanag ang kahalagahan ng SEGURO sa buhay nang isang indibidwal. At ito ang hangarin ng samahan ang mabigyan ng seguro o insurance ang maliliit na sector nang ating pamahalaan.

DAHIL SA WALA NANG TATALAKAYIN, ang pulong ay itinindig sa ganap na ika-11:30 ng umaga.


GNG. ADELAI DA C. DAVID
Tagatalang Kalihim

Binigyang pansin:


G. VIRGILIO V. MACLANG
Pangulo



TULUNGAN MUTUAL BENEFIT ASSOCIATION, INC.

Formerly: SRCDC Mutual Benefit Association Inc.

Ladia Bldg., Fausta Road, Mabolo, City of Malolos, Bulacan

Contact Nos. (044) 796-2532/0932-9223820 Email Address: srcdcmbai@yahoo.com

Ika-30 ng Hulyo, 2017

Gng. VICTORIA B. DELA ROSA

19 Del Carmen Subd., Old Sumapa

City of Malolos, Bulacan

Mahal na Gng. Dela Rosa,

Pagbati ng pag-ibig at kapayapaan!

Kayo po bilang kasapi na may mabuting katayuan (Member in Good Standing) sa Tulungan Mutual Benefit Association Inc., ay malugod naming inaanyahang dumalo sa **Taunang Pagpupulong at Halalan** ng mga Lupon ng mga Tagapangalaga (Board of Trustees) na gaganapin sa **ika-23 ng Setyembre, 2017, Sabado na gaganapin sa Bulacan KB Gymn, Guinhawa, City of Malolos, Bulacan (Katabi ng kapitolyo).**

AGENDA:

1. Pagpapatala at pagboto **7:30AM-10:00AM**
2. Pagpupulong **10:30AM-12:00NN**
 - 2.1 Pagbubukas at bating Pagtanggap
 - 2.2 Pagtawag sa kaayusan ng Pagpupulong
 - 2.3 Pagpapabatid ng Korum
 - 2.4 Pag-uulat ng Tagapangulo
 - 2.5 Pagtalakay at pagpapatibay nang Minutes of Meeting
noong nakarang 2016 Di-pangkaraniwang pulong ng mga kasapi
 - 2.6 Pag-uulat ng General Manager
 - 2.7 Malayang Talakayan
 - 2.8 Pag-uulat ng Nomination/Election Committee
 - 2.9 Pagtindig ng pagpupulong

Kalakip po nito ang mga sumusunod:

1. **PROXY FORM** kung sakaling hindi kayo makakadalo at makakaboto sa nasabing pagpupulong. Mangyari po na ito ay inyong sagutan at ipadala kasama ang photocopy nang inyong valid ID sa napili ninyong kinatawan.
2. Listahan ng mga kwalipikadong kandidato
3. Personal Information Sheet – kailangan sagutan at dalhin sa araw ng pagpupulong.

Inaasahan po namin ang inyong suporta at pakikiisa para sa ikauunlad nang buong kasapian.

Maraming salamat po.

Sumasainyo sa pakikipagtulungan,

GNG. ADELAIDA C. DAVID

We CARE to SERVE you.

Kalihim

*****PROXY FORM*****
Tulungan Mutual Benefit Association, Inc.

Sa pamamagitan ng “Proxy Form” na ito, aking binibigyan ng kapahintulutan si _____kasaping nasa mabuting katayuan ng Tulungan MBA na siyang bumoto para sa akin sa ihahalal na mga pinuno.

Katunayan nito ay ang aking lagda sa ibaba.

PANGALAN: _____

LAGDA: _____

PETSA: _____

PABATID: Mangyari lang pong isumite ang “form na ito” sa tanggapan ng Tulungan MBA 8:00am-4:00pm mula ika-12 hanggang sa ika-19 ng Setyembre, 2017.

*****Personal Information Sheet*****
Tulungan Mutual Benefit Association, Inc.

PANGALAN: _____

TIRAHAN: _____

PETSA NG KAPANGANAKAN: _____

TAX IDENTIFICATION NUMBER (TIN): _____

TELEPONO: _____

We CARE to SERVE you.

We CARE to SERVE you.